

# Barnaamijka qiimo dhimista lacagta gaaska dabiiciga ah ayaa diyaar u ah inuu ilaaliyo dadka reer Alberta

Sibteembar 26, 2022 [Weydiimaha Saxaafada](#)

Laga bilaabo Oktoobar 1, barnaamijka qiimo dhimista lacagta gaaska dabiiciga ah ee Alberta ayaa ka hortagi doona qiimaha kor ukacaya ee qarashaadka gaaska dabiiciga ah ee malaayiinta ku dhaqan Alberta xiligaan qaboobaha.

Wadamada aduunka ayaa waajahaaya koror xad dhaaf ah oo ku yimid qiimaha gaaska bilihii lasoo dhaafay sababo la xariirta duulaanka Ruushku ku qaaday Yukrayn, hoos u dhaca gaaska aduunka, iyo sababo kale. Barnaamijka qiimo dhimista gaaska dabiiciga ah ee Alberta ayaa keenaya qiimaha inaanu aad isu baddalin ilaalinayana in ka badan 1.6 milyan oo qoys, beeraha iyo ganacsiyada ku yaala gobalka oo dhan.

Marka lagu daro qiimo dhimista korontada ee bil kasta ee \$50 ah iyo joojinta canshuurta laga qaadi jiray shidaalka, qiimo dhimista gaaska dabiiciga ah ee Alberta ayaa naga caawin doona kahortagga kororka qarashaadka nolosha anagoo ka hortagayna kororka qiimeyaasha tamarta.

“Barnaamijkaan qiimo dhimista ayaa ilaalin dhab ah siinaya iyo sugnaansho si looga caawiyo qoysaska, beereleeyda iyo ganacsiyada inay maareeyaan qarashaadka uga baxaaya tamarta ayna ka dhigaan noloshooda mid qarash ahaan ay awoodi karaan. Ayadoo qiimaha noloshu kor u kacayso aduunyada oo dhan, dadka reer Alberta ayaa ku kalsoonaan kara in, haddii qiimaha gaaska dabiiciga ah kor u sii kaco, inaan diyaarinay qiimo dhimiso ilaalinaya dadka. Waxaanu ilaalinaynaa dadka reer Alberta, ayna ka mid yihiin dadka ku jira heshiiskayada qandaraaska dulsaarta leh, suurgalnimada ah in qiimeyaashu si xad dhaaf ah u kacaan inta lagu jiro qarashaadka kulaylinta guryaha ee xilliga qaboobaha.”

*Dale Nally, Wasiirka Gaaska Dabiiciga ah iyo Korontada*

## **Sida qiimo dhimistu u shaqayso**

Barnaamijka qiimo dhimista gaaska dabiiciga ah ayaa soconaaya laga bilaabo Oktoobar 1 ilaa Maarso 31. Cadadka saxda ah ee qiimo dhimista dadka reer Alberta heli doonaan ayaa ku xiran qiimaha rasmiga ah ee gaaska dabiiciga ah ee bil kasta.

Hadii qiimaha rasmiga ah ee qarashka bishii gaaska dabiiciga ah ee mid kamid ah shirkadaha gaaska ee sharciyada u haysta inay bixiyaan adeegyada (ATCO Gas North iyo ATCO Gas South, sida ay oglaadeen Adeegyada Maamulka Tamarta Tooska ah, ama Shirkadaha adeegyada ee Apex) uu ka kormaro \$6.50 halkii gigajoule, dawlada ayaa qiimo dhimis u samayn doonta dhammaan macaamiisha u qalma bishaas taasoo lagu bixinaayo farqiga ka dheeriga ah \$6.50 iyo ilaa heerka qiimaha ugu sareeya.

Laga bilaabo Oktoobar 1 ilaa Maarso 31, markasta oo qiimaha caadiga ah ee bishii uu dhaafo \$6.50 halkii gigajoule, qiimo dhimis ayaa la siin doonaa dhammaan dadka reer Alberta si looga caawiyo daboolida qarashaadka kordhay ee gaaska dabiiciga ah iyo shidaallada kale ee dabka ee la xariira batroolka ee ay bishaas isticmaalaan. Tusaale, haddii qiimaha caadiga ah ee ugu sareeya uu yahay \$7.50, macamaisha u qalma ayaa heli doona qiimo dhimis \$1 doolar ah halkii gigajoule oo ay bishaas isticmaalaan ba.

Hadda bisha Oktoobar lagu jiro qiimaha caadiga ah ee bishii ee gaaska dabiiciga ah ayaa noqon doona \$5.632 halkii gigajoule, lacagta qiimo dhimista ah lama bixin doono bishaan laakiin barnaamijka qiimo dhimista ayaa diyaar ah si uu u caawiyo qoysaska iyo ganacsiyada haddii qiimaha gaasku kaco xilligaan qaboobaha.

Qiimaha bishii ee gaaska dabiiciga ah ayaa lagusoo daabici doonaa [alberta.ca](http://alberta.ca) ku dhawaad shan maalmood oo kuwa shaqada ah kahor biloowga bil kasta, taasoo u sahlaya dadka Alberta inay ogaadaan haddii qiimo dhimis ay heli doonaan iyo cadadka ay heli doonaan halkii gigajoule ee ay isticmaalaan bishaas.

## **Dadka isticmaala gaaska dabiiciga ah ee ku xiran nidaamka**

Waxaad heli doontaa qiimo dhimis ku aadan qarashka gaaskaaga bisha qiimo dhimistu shaqaynayso haddii aad isticmaasho gaaska dabiiciga ah aadna:

- ku xiran tahay nidaamka

- aad ku jirto qorshe la nidaamiyo ama mid furan
- Aad isticmaasho wax ka yar 2,500 gigajoule oo gaaska dabiiciga ah sannadkii

Arintaan ayaa qusaysa macaamiisha ku jira qorsheyaasha nidaamsan iyo kuwa furan labadaba sida qandaraasyada qiimaha go'an. Looma baahna wax codsi ah haddii aad ku xiran tahay nidaamka qaybinta gaaska dabiiciga ah.

## Shidaallada kale ee lagu kulsado ayaa sidoo kale u qalma

Tiro yar oo dadka u qalma ee Alberta kamid ah ayaan ku xirnayn nidaamka qaybinta gaaska dabiiciga ah waxayna adeegsadaan gaas dabiici ah, propane, keroosiin ama saliida dabka si ay dab uga helaan. Macaamiishaan ayaa sidoo kale u baahan inay iibsadaan in badan oo ah shidaalka kulaylinta bilaha xagaaga, qiimo dhimista ayaana dadkaan daboolaya.

Waxaad codsan kartaa qiimo dhimis ah shidaalka aad soo iibsatay bilaha qiimo dhimistu shaqaynaysay ilaa xadiga ugu badan ee la oggol yahay:

- propane: 16,334 liitar bishiiba
- saliida la shito: 10,780 oo liitar bishiiba
- kerosene: 11,068 oo liitar bishiiba
- gaaska dabiiciga ah: 417 gigajoules bishiiba

Haddii aad isticmaasho shidaaladaan dabka, waxaad awoodi doontaa inaad toos uga codsato oonlaynka qiimo dhimis barta [alberta.ca](http://alberta.ca) kadib marka barnaamijku bilaabmo bisha Oktoobar. Xulashooyinka ku codsiga boostada iyo taleefanka ayaa la heli doonaa sidoo kale.

## Macluumaad kooban

- Gudaha Alberta, qiimeyaasha caadiga ah ee go'an ayaa loo dejiyaa bisha oo dhan ismana badelaan bishaas oo dhan. Qiimeyaasha waxaa ansixiya Gudiga Adeegyada Guriga ee Alberta mana go'aamiso dawladu.
- Qiimo dhimista ayaa soo baxaysa ayadoo ah qayb gaar ah oo ku jirta biilka qarashka gaaska dabiiciga ah ee qaybta "Qiimo Dhimista Ganacsiga Gaaska ee GOA."

- o Haddii qiimaha gaaska ee bisha ee lasoo gasho barta alberta.ca uu ka badan yahay \$6.50 halkii gigajoule, macaamiisha u qalma ayaa heli doona qiimo dhimis lagu daraayo biilkooda gaaska ay bishaas isticmaaleen.
- o Haddii qiimaha caadiga ah ee bisha ee lasoo gasho barta alberta.ca ay ka hoosayso \$6.50 halkii gigajoule, ma jirto qiimo dhimis lagu bixinaayo mana jirto qayb biilka bishaas kamid ah oo la dhimaayo.
- Qiimo dhimisyada ayaa lagu samayn doonaa bisha xigta ee biilka. Tusaale, haddii qiimaha caadiga ah uu ka kormaro \$6.50 halkii gigajoule bisha Oktoobar, qiimo dhimista waxaa lagu samayn doonaa qarashka daboolaya biilka mudadaasi.
- Waqtiga rasmiga ah ee helitaanka qiimo dhimisyada ayaa ukala duwan macaamiisha ayadoo ku xiran mareegta qarash bixinta ee shirkadooda adeegga.
- Qiimo dhimista shidaalka kulaylinta ee ka samaysan batroolka ayaa loo xisaabin doonaa isla qaabka loogu xisaabsho macaamiisha gaaska dabiiciga ah, ayadoo la adeegsanaayo qaacidada caadiga ah si loo go'aansho qiyaasta isticmaalka u dhigma ee shidaalka nooca kale ah.
- Macaamiisha ku xiran nidaamka gaaska dabiiciga ah oo aaminsan inay buuxin karaan shuruudaha u qalmida laakiin aan helin qiimo dhimista ayaa la xariiri kara U doodaha Macaamiisha Adeegyada Guriga oo laga heli karo 310-4822 ama [UCAhelps@gov.ab.ca](mailto:UCAhelps@gov.ab.ca) si loo caawiyo.
- Xogta macaamiisha aan ku xirnayn nidaamka gaaska dabiiciga ah ama isticmaala shidaallada kale ee u qalma qiimo dhimista ayaa lagusoo qori doonaa barta oonlaynka ah kadib marka barnaamijku bilaabmo.
- Dawlada Alberta ma diri doonto fariin qoraallo ama iimeelo la xariira barnaamijka qiimo dhimista kamana codsan doonto dadka reer Alberta inay soo diraan xog gaar ah oo laguso diraayo fariin qoraal ama iimeel ah si ay u helaan qiimo dhimisyada.

## Macluumaadka la xiriira

- [Barnaamijka Awooditaanka Qarashka Tamarta](#)

# Weydiimaha Saxaafadeed

**Margeaux Maron**

780-554-1866

Madaxa Shaqaalaha, Gaaska Dabiiciga ah iyo Korontada